


A large, dark silhouette of a cross is positioned on the left side of the image, set against a vibrant sunset or sunrise sky. The sky is filled with warm, orange, and yellow hues, with darker shades of blue and grey at the bottom. The cross is oriented vertically, with its arms extending from the top and bottom towards the center.

**MŪPANGO
WA NGAI WA
ŪTANGIİO**

Mūnyanyawa:

Ngai nūkwendete mūno vyū mūvaka atūma mwana wake aīvie ītuvi ya naī syaku nīkana wīthīwe na thayū ūtathela. Maandīko nīmeūtūtavya ūw'o ūū na andū aingī nīmethīite ūū kwīthīwa wī ūw'o mathayūnī moo.



Nūndū Ngai nīwendete nthī, nīwanenganie Mwana wake e ūmwe, nī kana o ūla ūmwītīkīlaa ndakae, īndī ethīwe na thayū ūtathela (Yoana 3:16)

Kwoou nīngūkūlya īkūlyo yīla yīvata mūno ya thayū. Ūtanu waku kana kīmako kyaku kya tene na tene sīendanītye na ūsūngō wakū.


Īkūlyo nī:

Wī mūtangīie? īkūlyo ti kana ūndū wī mūseo na ti kana wī ūtaloni wa īkanisa yenyū, īndī nī, wī mūtangīie?

We nīwīsī vyū kana ūkathi ītunī yīla ūkakw'a?

GNgaī easya kūthi ītunī no mūvaka ūsyawe ya kelī. Yoana 3:3 Yesū amwīie Nikotemo nīw'o nīw'o nīngūkwīa, keka mūndū asyawe īngī, ndatonya kwona ūsumbī wa Ngaī.

Nthīnī wa Mbivilia Ngai nūtūnengete mūpango wa kūsyawa īngī ūla nīw'o wītawa kūtangīwa




Mūpango wake wī laisi!
nutonya kūtangīwa ūmūnthī. Ata?

1. Mbee, nīwaīlītwe nī kūmanya kana wī mweene naī.

“Nūndū onthe nīmeekie naī, na maivikīaa ūtaīo wa Ngai” (Alomi 3:23)

Naī nī yīla watūla mwīao wa Ngai

“Ve nzīa īla īlyī ta ya w’o kwa mūndū; īndī mūminūkīlyo wayo nī nzīa sya kīkw’ū.”
(Proverbs 14:12)




**“O tondū kūandīkītwe,
kūi mūlūngalu, aiee, ona
ūmwe; (Alomi 3:23)**

**“Kwondū wa ūu nūndū
wa mūndū ūmwe**
(Atamū) naī yalikile kūū nthī, na kīkw’ū kwondū wa naī; na kwa ūu kīkwū kyavikīa andū onthe, nīkwīthīwa onthe nīmeekie naī (Alomī 5:12)

Twīkaa naī kumana na mūsyawa witū na twīkaa naī kwa kūnyuva. Twīna mūtwīo wa naī ūtheeanītye kwīsīla nzyawanī kūma kūla kwī Atamū. Nītwīsī mīkalīle mīna īyaīlīte, īndī tūimīka. Aa nī maūndū ma Veva na mwīī.

2. Kūlea kūmwīw'a Ngaī na kūtūla mwīao wake nī naī na kwī ndīvi.

*Nūndū ītuvi ya
naī nī kīkw'ū;
īndī mūthīnzīo
wa Ngaī nī thayū
ūtathela nthīnī
wa Krīsto Yesū
Mwīaīī waītū
(Alomī 6:23)*



Yīla thayū na veva wakū syataanīsya na mwīī wakū, ūkūsaa kīkwū kya mwīī.

“Na o ūndū andū matw'īīwe maiīwe kūkwa (kīkw'ū kya mwīī) o īmwe, na ītina wa kūkwa ūsilīlo” (Aevelania 9:27)

Ūū wīonanya kūtaanīsya na Ngai ūlūmīte nthīnī wa īia ya mwaki tene na tene. Ti kūminwa kana kwanangwa, nī kūtaanīsya.

“Na kīkw'ū na vala maveva ma ala akw'ū mekalaa syekw'a īīanī ya mwakī. Kīī nīkyo kīkwū kya kelī (kīkw'ū kya veva)”

(Ūvūan'yo 20:14)


3. Yesū nīwoosīe ūsīlīlo wītū w'onthē.

Ūsilīlo wa naī nī kīkw'ū na Yesū nīwoosie ūsīlīlo witū w'onthē ngelanyonī na nīwe mūtangīi wa andū onthe. Evo atwīke mūtangīi wakū.

Ve nzyawa ilī na ikw'ū ilī:

KŪSYAWA ĪNGĪ kwīonan'ya ti kūsyawa kīi mwīi kw'okwa īndī kweūvwa kīi veva.

Maandīko maītye “kūthayūukw'a” na kūtw'īkīthwa thayū kīi veva.



“Nake nīwamūthayūukīsye īnyw'ī yīla mwaī akw'ū kwondū wa mavītyo menyū na naī syenyū”

(Aeveso 2:1)

Yesū Klīsto nīmūtangīi (mūkuī wa naī) wa andū onthe.
Ītunī yu nī īvingūe kwa onthe malike. ATA?

4. Nīwaīle KWĪTĪKĪLA NA KWOSA

Nīwaīle kwītīkīla kana Yesū Klīsto

- Nīwe NGAI MWANA (100%) mündū na 100% God)
- NIWAKWIE KWONDŪ WA NAĪ (kīlionī kitū)
- NIWATHAYŪŪKIE KĪĪ MWĪĪ kuma kwa akw'ū)

Nīwaīle nīkūmwosa ta MŪTANGĪI waku.



“Indī onthe ala mamwosie,
amanenga ūkūmū wa ūtw’ī ka syana sya
Ngai o ala metīkīlaa
īsyītwa yake
(Yoana 1:12)

Masamanw'a nthīnī wa nyūmba ya Ngai.

Nīkī wose?

Nūndū nī MŪTHĪ NZĪ O na nīwaīlī te nī KŪWOSA na
mūīkīō wīthīwe waku.

“indī mūthīnzīo wa Ngai nī thayū ūtathela nthīnī wa Kristo
Yesū Mwīaīi waitū (Alomi 6:23b)


Na asu nao, ethīwa maikekala na kūlea kwītīkīla kwoo,
makasamanw'a: nūndū Ngaī nūtonya kūmasamany'a īngī ”
(Alomi 11:23)



Indī Ngai nīwendete
syūmbe syake (we)
mūno mūvaka
anengane mwana
wake e ūmwe, Yesū,
akue naī yaku na
akw'e vandū vaku.
(ūla ūteesī naī)

**“Ula ūtaamanya naī amūtwie kwīthīwa naī kwondū witū;
nīkana īthyī tūtwī ke ūlūngalū wa Ngaī nthīnī wake. (2
Akolintho 5:21)**

Yesū aī o mūvaka ete nthakame na aikw'a.



“Nūndū ītūvi ya naī nī kīkw'ū(Alomi 6:23a)

**“Nūndū thayū wa mwī wī nthakamenī ” (Alivaī 17:11)
“...na vate kwītīka nthakame ūekeo ndwoneka(vai ūekeo)”
Aavelania 9:22)**

**“Indī Ngai nīwonanisye wendo wake mwene kwitū, atī
yīla twaī athe, Klisto akw'a kwondū witū.” (Alomi 5:8)**

*Ona kaī tūimanya nī ata, Ngai aisye naī syakwa na naī syaku syaīlīilwe īūlū wa Yesū na akw'a vandū vaitū.
Atwīkie ūkūanyo wītū.*

Nīw'o Ngai ndakengana,

Mūnyanyawa, “ Ngai.....emeaīa andū onthe kūndū kw'onthemāalyūle ngoo” (Meko ma Atūmwa 17:30). Kūalyūla ngoo kūū nī kūalyūla mesilya metīkīlane na Ngaī kana nyie nī mwene naī, na īngī tūyītīkīlane na kīla Yesū weekīe ngelany'onī nūndū witū. Akw'ie nūndū wa naī sitū, syaku na syakwa.

*Nthīnī wa Meko ma Atūma 16:
30-31, Mūsīkalī wa kolokolo
Mūvivilivi akūli lye Paūlo na
Sila “...mavwana , nīka ata
kana ndangīīwe? Nao mamwī a
“Mwī tīkīle Mwīaīi Yesū , na
nūūtangīīwa”*



*Ndūtonya kūthūkūmīa, kana kūīvīa kana kūī vwa
ūtangaīīo waku kwīsīla meko maku maseo. Ndūtonya
kwītangīīa mwene. Ngai ndekwenda kīndū kuma kwaku
ateo mūīkīīo waku nthīnī wa Yesū.*

*“NŪNDŪ NĪ MŪTANGĪĪWE NA MUMO kwondū wa
MŪīKĪĪO; naw'o ndumīte kwa inywī ene, nī MŪTHĪNZĪO
WA NGAI : Ti ūndū wa meko, kana kūikethī we mūndū ona
wīva kwīkathīīa” (Aeveso 2:8-9)*

“Ti kwondū wa meko ma ūlūngalū, ala ithyī tweekie, īndī kwīanana na tei wake nī watūtangīe, kwondū wa kūthambw’ā kwa kūsyawa īngī , na kūtw’ikīthw’ā eū nī Veva Mūtheū; ūla watwonoesye kwa wingī kwondū wa Yesū Klīsto Mūtangīi waitū: nī kana ūndū wa kūtalīlwa ūlūngalu kwondū wa mumo wake, tūtonye kūtuwa atiīwa kwīanana na wīkwatyo wa thayū ūtathela” (Tito 3:5-7)

Kwa ūkuvī mwītīkīle tawe ūla wa kuie naī yakū, akw’ā vandū vakū, athikwa, na ta ūla Ngai wamūthayūūkisye.

Kūthayūūka kwake kwī na vīnya wa ūtūkīīthya kana mwītīkīli nūtonya kwasya ena thayū ūtathela amwosa Yesū ethīwe emūtangīi wake.



Kūīkīīa nī kūnyuva. Kīla mūndū ve kīndū ūīkīīaa. Kwīthīwa nītūkūūkīīa kīndū ti kwonanya kana nīkyāīlīte. Notwīthīwe tūvītītye tūteūmanya.

“Yesū amwīa, Nyīe ninyīe nzīa, na ninyīe w’o, na ninyīe thayū: vai mūndū wūkāa kwa Asa, atesīle kwakwa”
(Yoana 14:6)

“Īndī onthe ala mamwosie, amanenga ūkūmū wa ūtw’ī ka syana sya Ngai o ala metīkīlāa īsyītwa yake (Yoana 1:12)



**“Nündū o ūla
ūkekaīla syītwa ya
Mwīaīi,
nūkatangīīwa”**
(Alomi 10:13)

“O ūla” wimutale nthīnī.
Nūkatangīīwa yīonanya, ti
kana, no atangīīwe, kana
nūtonya, īndī nī,
akatangīīwa.

Kwa ūw'o wamanya kana wī MWEENE NAĪ! Oyū, vala ūī,
ALYŪLA NGOO (ūmwīkwatye Yesū Klīsto eweka aūtangīīe),
ūkīlya ngoo yaku kūla kwī Ngai nthīnī wa mboya.

Nthīnī wa Lūka 18:13 mwene naī avoyie “....Ngai mbīw'īa
tei, nī mwathe nyie.” :



*Voya mboya ta īno ethīwa nūkwenda kūmwosa Yesū ta
mūtangīi waku oyu:*

*“Ngai mwene vinya wonthe, nīnīsī nī mwene naī.
Nīmbītīye na kūsūanīa, ndeto na meko. Nīngwīlila nūndū
wa ūū na nīngūükūlya ūndekee naī yakwa. Nīngwītīkīla
kana Yesū akwie vandū vakwa ngelan’yonī. Nīngūükīīa kana
nthakame yake īla yetīkie nthī, kīkwū, kūthikwa na
kūthayūuka kwake kwaī kwondū wakwa. Nīkūlya Yesū
ethīwe mūtangīi wakwa na aīndangīīa kūma īianī ya
mwaki.*

*Nenga mūthīnzīo wa thayū ūtathela na mūsyī ītunī yīla
nīkw’ā.*

*Yu nīngūkwosa ta mūtangīi. nīngūütūngīa mūvea kwa
ūekeo wa naī syakwa, mūthīnzīo wa ūtangīīo na thayū
ūtathela, nūndū wa mūmo wakū wī tei. Nyie yū
nīngūvīngūa mūomo wa ngoo yakwa kwaku ūlike ūtw’īke
mūtangīi wakwa, mūnyanyawa na Ngai wakwa, nthīnī wa
īsyītwa ya Yesū nīnavoya, Amen”*



Ikīia Ngai nthīnī wa Ndetō yake na ūyosa ūtangīo wake na mūikīo. Ikīia, na nūutangīwa. Vai īkanisa, vai nyūmba, vai meko maseo, vai mbaī, vai ndīni, ītonya kūutangīa. Ndūtonya kwītangīa. Lilikana, Ngai nīwe ūtangīaa. Vyū!

Mūvango wa Ngai wa ūtangīo nī: Wī mwene naī. Kwoou ethīwa nūkwīsilya kūlea kūmwītīkīla Yesū Klisto ūla wakwie vandū vaitū, Ngai nūkūnenga ndaīa utw'i ūsu na ndetūma wīka ūndū ona ūmwe. Nīukatūmīa ūvinda yaku ya tene na tene ūianī ya mwaki ūitūmīkīa ūsilīlo waku.

Ethīwa nūūmwītīkīla ta waku ūla wambiwe, athikwa, na mūtangīi wathayūūkie, nūkwosa ūekeo wa naī syaku syonthe and Mūthīnzīo wake wa thayū ūtathela kwa mūikīo.

Wīasya, “Kwa ūw'o ti laisi ūu “īī , laisi ūu! Ndetō yaītye ūu. Nīw'o mūpango wa Ngaī. Mwītīkīle Yesū na ūimwosa ta mūtangīi waku ūmūnthī.

Ethīwa mūpango wake ti mūtheu, soma ūelesyo ūngī na ūngī, ūtekūūngama, mūvaka ūelewe. Thayū waku wī vata mūno kūvīta nthī yonthe.

“Nūndū mūndū aūnwa nī kyaū ona akosa nthī nima na akyasya thayū wake” (Maliko 8:36).



Manya vyū wī mūtangīe. Waasya thayū wakū, wīasya syonthe. Vinya wa Ngai ūkaūtangīīa, ūkūie ūtangīīonī na ūikūtoneyethya wīkale thayū wīna ūkīlyo wa ūklīsto.

Ndūkaa:

“Malondu makwa nīmew’aa wasya wakwa, nakwa nīnīmesī, nao nīmeūmbikīla: nakwa nīngūmanenga thayū ūtathela; na maikaa o na īndīī, na kūi mūndū ūkambena kw’okonī kwakwa. Asa wakwa ūla wanengie nī mūnene mbee wa onthe; na kūi mūndū ūtonya kūmavenana maūme kwokonī kwa Asa. Nyie na Asa twī ūmwe. (Yoana 10:27-30)



Kīlya Matatwa:

“Mūtyaakwatwa inyw’ī nī matatwa ate o ala mūndū ūtonya kūmomīīsyā: īndī Ngai ekīthito, na ndakamūeka mūtatwe kūvītūka vinya wenyū: īndī vamwe na kūtatwa akamantha nzīa ya kūthonoka, nī kana mūtonye kūmomīīsyā.

*Ndūkekwyte mīwīle yakū:
Nīyīalyūkaa. Ūngama mawathonī ma Ngai ala matalyūkaa.*

*Ethīwa ndūnamba ūmwīta, mwīte YESŪ OYU ŪTANGĪĪWE.
Nīwe wīkwatyo waku wīw'oka wa ūekeo wa naī na thayū
ūtathela.*

*Nīkana wīane nthīnī wa Yesū ve maūndū atatū waīlīte
kūmeka kīla mūthenya nīkana wīane kī veva:*

- 1. Voya – neena na Ngai.**
- 2. Soma Mbivilia yaku – Ngai nūneenaa nakū.**
- 3. Kūsīīa – Neenea Ngaī.**

*Nīwaīlītwe nī Kūvatiswa nīkana wīthīwe wī mwīwī kwa
Yesū Klisto ta ūkūsī kwa andū wa ūtangīīo wakū (ti
kūtangīīwa īndī ta ūkūsī wīmūtangīīe) na īndī ūilīka
īkanīsanī yīumanyīsyā mbivilia vate kūselewa.*



WĪ MŪTANGĪĒ?
Nūmwītīte Yesū?

“(nūndū we easya, Nīnakwīwie īvinda yīla yītīkīlītwe, Na
mūthenya wa ūtangīō nīnaūtethisye: sīsyai, yīī nīyo
īvinda yītīkīlītwe; sisya mūthenya wa ūtangīō no oyū.)”

2 Akolīnho 6:2



Ethīwa nī watangīīwa kwīsīla kūsoma ūvoo ūū,
tūmanyīthye na kūtūandīkīā ūkūsī wakū nīkana tūtane
vamwe nakū.



*Nduko Yia Muvea ya Ngai
Kii Ni Kisomo kya Wia kana Kifo
Mavangiko onthe ni ma KJV
Lifegate, Inc., Monrovia, IN 46157*